



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XVI. Non solùm graviter, & valdè graviter peccatur, coram
infidelibus Christum erubescendo in materia fidei; sed & coram Catholicis
ipsum erubescendo in materia morum.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

turcicā , vulgō *turbanie* , nostri mercatores Constantiopolis utuntur , morem gentis imitantes , juxta illud , *dum fueris Rome* , &c. Neque per hoc mentiantur . Quia per usum illum nec mercator significat se Turcam , nec Monachus sacerulare , nec sacerularis Monachum : cūm justa de causa præscindere possit , de factoque præscindat rationem tegumenti à ratione talis signi ; sicut æquivocā voce , rationabili de causa , quis uti potest , & plerūque utitur in sentiū vero , præscindendo à sensu falso , eaque taliter utendo , utitur absque mendacio .

218 Nec similiter dici potest in casu antedicto , utpote in quo Dei & religionis honor non permittit , ut ratio signi præscindatur à ratione tegumenti , in usu talis vestis : cūm enim instituta supponatur in signum professionis falsa secta , ex usu talis vestis Christianus existimandus est tenere illam sectam falsam , profiterique falsam religionem ; adēque negare veram . Quod est veram religionem apud infideles dedecore afficer . Quod semper illicitum est . Religiosus verò dedecore non afficit statum religiolum , deponendo religiosam vestem , dum transit per hæreticam regionem ; imò eam honorat : id enim facit , ne eam exponat ludibriis hæretorum .

219 7°. Fidem implicitè negare censent frequentantes templa hæretorum , assistentesque publicis precibus , ac concionibus ipsorum , dum ex circumstantiis appetet frequentationem & assistentiam illam publicā potestate præscriptam , ad promovendam & honorandam falsam sectam , ut si Rex hæreticus publico edicto , sub gravissimis paenit , injungat omnibus subditis suis , tempore publicarum precium , vel concionum , frequentare templa hæretorum , eorumque precibus , cœtibus , & concionibus interesse , prout tempore Pauli V. injunxit Rex Angliae . Super quo interrogatus Paulus V. re cum doctissimis Theologis communicata , scriptit ad Catholicos Angliae 10. calendas Octobris 1606. in hæc verba : *Accipimus compelli vos , gravissimis paenit propositis , templa hæretorum adire , cœtus eorum frequentare , concionibus illorum interesse . Profecto credimus procul dubio eos qui tantâ constantiâ atrocissimas persecutions , infinitas propinquidam miseras hæfrenis perpetrati sunt , ut immaculatæ ambularent in domo Domini , numquam commisuros esse , ut coquincentur communione deseritorum divina Legis . Nibilominus zelo pastoralis officii nostri impulsus , & pro paterna sollicitudine , quâ de salute animarum vestiarum assidue laboramus , cogimur monere vos , atque obtestari , ut nullo pacto ad templa hæretorum accedatis , aut eorum conciones audiatis , vel eum ipsis in ritibus communicetis , ne Dei iram incurrais . Non enim licet vobis hac facere , sine detimento divini cultus , ac vestra salutis . Quia scilicet omnibus ritè pensatis , satis apparebat , edi-*

etum istud non esse purè politicum , sed tendere in promotionem falsæ sectæ , perniciemque fidei Catholicae .

Sicut & aliud edictum ejusdem Regis , quo Catholicos Anglos obligare voluit ad jurandum , quod neque Papa , neque Sedes , vel Ecclesia Romana potestatem haberet Regem deponendi , vel alicui Principi extraneo autoritatem concedendi , terras ipsius invadendi , vel ullos subditorum suorum exonerandi ab obedientia sua Majestatis , non obstante quâcumque excommunicacione , &c. Quodque nec Papa , nec aliis quicunque potestatē habet ipsos absolvendi ab hoc juramento . De quo juramento idem Pontifex , à Catholicis Anglis pariter interrogatus , respondit , quod hujusmodi juramentum , salvâ fide Catholicae , & salute animarum suarum , præstare non posset , cūm multa contineret , quæ fidei & saluti aperte adverlantur .

Siquis tamen , extra circumstantias supradictas , hæreticorum templa ingrediatur , ibi que eorum conciones audiat , non ut cum hæreticis communicet , sed ut observet quid ibi agatur , vel prædicetur , excusari potest , dummodo nullum sit scandalum , nec propriæ subversionis periculum .

C A P U T XVI.

Non solum graviter , & valde graviter peccatur , coram infidelibus Christum erubescendo in materia fidei ; sed & coram Catholicis ipsum erubescendo in materia morum .

V Aldè frequens hodie est peccatum istud , & ideo multi sunt , qui non satis reflectunt ad gravitatem ipsius : quia , ut Augustinus Enchirid. c. 80. observat , peccata quantumvis magna & horrenda , cūm in confuetudinem venerint , aut parva , aut nulla esse creduntur . Sed adē noxius est error iste , ut Augustinus exclamat : *Va peccatis hominum , qua sola insueta perhorreamus .* Et revera peccatum istud esse gravissimum , probatur ex terribilibus verbis Christi Luc. 9. *Qui me erubuerit , & sermones meos , hunc Filius hominis erubescet , cum venerit in maiestate sua .* Verba ista terribilia jure voco : quid enim magis timendum , quam in tremendo judicio die habere Christum nobis adē offensum , ut recuset nos inter suos agnoscere ?

Porrò verba ista dici non possunt procedere adversus eos solos , qui Christum erubescunt apud Idololatras , vel Paganos , seu alios infideles , dum agitur de fide confitenda . Imò procedunt etiam adversus eos qui moralem doctrinam ipsius erubescunt apud ipsosmet Catholicos ; quandoquidem Christus addat : *& sermones meos , id est doctrinam meam .* Enimvero Christum erubescimus , non solum quando ipsum erubescimus , ut Magistrum fidei , sed & quando ipsum

erubescimus ut Magistrum morum; neque enim minus nos oportet confiteri & profiteri Christum ut morum, quam ut fidei Doctorem & Magistrum. Et si obligatio non erubescendi fidem Christi, sive coram Paganis, sive coram haereticis, tanta est, ut obliget etiam cum iactura facultatum, dignitatum & ipsius vita; idem cum proportione dicendum de obligatione non erubescendi moralem Christi doctrinam.

225 Non potest ergo non esse grave peccatum, erubescere doctrinam moralē Christi, & tantò quidem magis vel minus grave (ceteris paribus) quanto magis vel minus erubescitur. Ut enim vidimus, terribilis est Evangelica circa hoc expressio, & omnes pasim Theologi gravis accusarent peccati eum qui, ad effugendum mortis periculum, negaret se credere aliquem fidei articulum. Cum igitur ostenderimus, minorem non esse obligationem confitendi doctrinam Evangelii, quoad agenda, quam quoad credenda, manifestè conficitur, grande peccatum esse erubescere Christum in doctrina agendum, tantò utique grandius, quanto magis erubescitur.

226 Ad cuius intelligentia observandi sunt diversi modi seu gradus erubescientiae Christi. Ceteris enim paribus, tanto magis culpabilis est erubescencia, quanto magis concurrunt quatuor sequentia. Primo, quo magis convicti sumus, Evangelii doctrinam esse, quam erubescimus. Secundo, quo erubescencia est de pluribus Evangelii documentis. Tertio, quo apertius & directius ostendimus nos erubescere, sive non admittere, sic nos externe gerendo, ac si in corde non crederemus. Quartò, quo ista erubescencia fit coram pluribus hominibus, & magis facilibus, ut exemplo nostro Moralem Evangelii non admittant.

227 Quatuor ista nostro adhuc tempore locum habere, sequentia manifestabunt. Imprimis Theologiam in scholis docentes, Parochi, Concionatores, aliqui Ecclesiastici, quibus incumbit Evangelicam populo dare doctrinam, erubescunt ipsam (ipsiusque proinde Christum, Authorem ipsius) quando convicti de arcta celi via, seu alia Evangelica doctrina, eam docere non audent, imo negant se sentire quod sentiunt, ne pinguia, honorificaque beneficia non assequantur, vel à mundanis hominibus irrideantur, vel saltene ne ipsis displeaseant. Nec solum ipsi peccant per erubescientiam doctrinæ Evangelicæ; sed & per influxum, quo influunt in obfirmationem hominum mundanorum in aversione ab illa doctrina.

228 Erubescencia illa majus adhuc peccatum est, dum non ore dumtaxat, sed & opere committitur, non solum negando se sentire de Morali Evangelica quod sentiunt, verum & in praxi, id est in confessionali,

Tom. II.

vel in resolutionibus, quas mundanis dant hominibus, non procedunt secundum doctrinam Evangelicam sibi cognitam, sed secundum oppositam, mundo placentem. Cum evidens sit, turpissimam erubescientiam esse aliter se gerere in confessionali, vel in revolutionibus, salutem proximi concercentibus, quam sciamus Evangelium exigere.

Gravius adhuc peccant illi, quibus non sufficit modis proxime descriptis Evangelicam erubescere doctrinam, sed insuper, ut remotores videantur ab omni suspicio-ne doctrinae nimis arcta, mundanisque hominibus gratiore reddantur, in eorum conversatione dictis & irrisiōibus aggrediu-natur Moralem Evangelicam profitentes, non propter vitam, aut mores, sed propter doctrinam, quam ipsimet in corde approbat. Quia directius, & fortius Christi doctrinam persequuntur, ipsiusque protectui magis ob-sunt, quam alii, qui eoque adhuc non progreduuntur. Quemadmodum enim longè gravius olim delinquere censebantur, qui non solum erubescabant Christum, profiten-do eundem cum Paganis cultum; sed ipsos quoque Paganos directe vel indirecte animabant ad persecutionem Christianorum; sic illi, ex simili capite, longè gravius delinquere censendi sunt. Et eò quidem gravius, quo potentiores, vel plures sunt ii, apud quos delinquunt. Maximè cum ejus-modi dictiōis & irrisiōibus mundani homines longè fortius retrahi soleant ab amplectenda Evangelica doctrina, sibi ad salutem necessaria, quam multis retrahi soleant argumentis.

Istos omnes optimè describit Salvator hisce verbis: *Vos estis sal terra; quod si sal evanuerit, in quo salietur? ad nihilum valet ultra, nisi ut mittatur foras, & conculeatur ab hominibus. Quippe vere sunt sal infatnatum, qui (ut Augustinus ait) temporalium bonorum vel copiam sibi facientes, vel inopiam metuentes, omitunt aeterna, qua nec dari possunt ab hominibus, nec afferri. Ipsaque ratio christiana, imo experientia quoque demonstrat, quod vili illo & indigno modo mundanis se hominibus subjiciunt, mundanum sensum ipsorum, pedissequorum instar, sequentes, quibus praelucere, ac praesse debent fortitudinis, & vigoris sacerdotalis exemplo.*

Attendant igitur & seriò perpendant isti sequentia divinæ Scripturæ oracula: *Si ad-huc hominibus placarem, Christi servus non essem. Beati eritis, cum vos oderint homines, & cum separaverint vos, & exprobraverint, & ejecerint nomen vestrum, tamquam malum, propter Filium hominis. Gaudete in illa die, & exultate: ecce enim merces vestra multa est in celo. Luc. 6.*

Nec putandum, haec tenus dicta solum habere locum in Ecclesiasticis, imo ex iis plura procedere etiam in Laicis, qui verita-

Q 2

tem cognoscentes, erubescunt ipsam confiteri & profiteri apud eos, quibus non est grata, dum ab ipsis aliquid expectant, vel metuunt, & generatim dum eam confiteri non audent, iis in circumstantiis, in quibus vel praesentibus dispergunt, vel absentibus, quibus narrari metuunt ea quae dixerint. Audiant igitur ipsi Spiritum sanctum, ejusmodi politicos, & Christi doctrinam erubescentes hisce verbis deterrentem: *Ex Principibus multi crediderunt in eum (Christum)*, sed propter Phariseos non confuebantur, ut *et Synagoga non ejicerentur*. Dilexerunt enim gloriam hominum, magis quam gloriam Dei. Ubi non dicit Spiritus sanctus, quod Principes isti Christum, vel Christi doctrinam persequerentur, vel illius sectatores irridenter, sed solum quod non confiterentur Christum, ne extra Synagogam fierent, ignominiam proinde, & forte alia documenta à Judaeis paterentur. Quo pacto declarat, ipsos gloriam hominum dilexisse, magis quam gloriam Dei.

233 Et hinc perspicue intelligimus, posse nos erubescere Christum, vel doctrinam ipsius, per hoc solum quod vel Christum, vel doctrinam ipsius non confiteamur, iis in circumstantiis, in quibus eam confiteri debemus; tametsi, ceteris paribus, id minus peccaminosum sit, quam negare Christum cognitum, vel scienter profiteri doctrinam Morali Evangelicæ contraria, vel doctrinam illam cum mundanis hominibus irridere, &c. Cum evidens sit quod eam profidentes propterea irridere, sit doctrinam ipsam Evangelicam, ipsumque adeo Christum irridere. Quibus irrisoribus soli illi applaudunt, vel consentiunt, qui gloriam hominum, vel divitias, aut honores magis diligunt, quam gloriam Dei.

234 Eos etiam redarguant sancti Patres, qui similium irrisorum, vel exprobationum metu, Evangelii doctrinam in proxim reducere verecundantur. Quia censent ipsis erubescere Christum. Verum quam multi hodie hoc faciunt! Quam multi ex mundo illo timore chorei, vel aliis convenientibus periculosis intersunt, vanavè ornamenti, interdum etiam christiano pudori parum convenientia assumunt! Quam multi verba liberiora, vel aequivoca in materia castitatis proferunt, vel proferentibus arrident, conscientia reclamante, & monente, Christum exigere, ut ostendant similia sibi dispergere! Quam multi ex eodem timore de rebus piis & spiritualibus loqui non audent, dum cum mundanis converlantur! Quam multi ea agere erubescunt, quae sciunt à Christo in Evangelio exigi, à solisque generosis Christianis practicari, ne cum ipsis explodantur. His adde quod Gregorius Magnus ait homil. 32. in Evang. *Si nomen Christi in tanta gloria non esset, tot professores Christi Ecclesia non haberet... de eo se quisque inter-*

roget, & in confessione Christi se veraciter probet, si non jam nomen ejus erubescit, si plena virtute mentis humanum pudorem subdidit. Ceterè enim persecutionis tempore erubescere poterant fideles, substantiis undari, de dignitatibus defici, verberibus affligi; pacis autem tempore, quia hec à nostris persecutionibus defant, est aliquid unde offendamus nobis. Veremur igitur à proximis despici, designamus injurias verbi tolerare. Si contingat iurgiam fortasse cum proximo, erubescimus priores satisfacere: cor quippe carnale, dum hujus vita gloriam querit, humilitatem respuit.... Pensamus facta veritatis, & videamus quo jaceant nostra pravitatis afflictiones.

Contra eundem mundanum timorem, quo Christum sequi propter mundanos erubescimus, pluribus invehitur S. Augustinus, variis locis admonens, meminisse nos debere, quod in fronte signum crucis accepterimus in Confirmatione, ut Christi crucem non erubesceremus, signanter dum explicat verba illa Psal. 30. *Perficiunt eis, qui sperant in te, in confessione filiorum hominum.* Posteaquam enim dixit, quod exprobationes & irrisiones generose pati debeant pii à malis, id est à Christianis, sed nomine, non vita, non moribus, sic profequitur: *Non sine causa signum suum Christus in fronte nobis figi volunt, tamquam in sede pudoris, ne Christi opprobria Christianus erubescat.* Sermone quoque 161. explicans verba ista: *Misi abst. gloriari, nisi in cruce Domini nostri Iesu Christi: Noli (inquit) erubescere de cruce Christi; ideo in fronte, tamquam in sede pudoris, signum ipsum accepisti. Recole frontem tuam, ne linguan expavescas alienam.*

C A P U T XVII.

Infidelitas, tresque ejus species explicantur.

I Infidelitas tripliciter accipitur, negative, privative, & positivæ, seu contrarie. Infidelitas pure negativa, est nuda fidei carentia, in eo cui fides non est annuntiata, vel certè non sufficienter. Et ista non est peccatum, sed pena peccati, uti docet S. Thomas 2. 2. q. 20. a. 1. post August. tract. 89. & 91. in Joan. & q. 52. in Deuteron. Ubi dicit, quod si *Christus negque venisset, neque locutus esset Iudeis, ipsi non haberent peccatum illud, quo non crediderunt in eum.* Enimvero Joan. 15. Christus ipse dicit: *Si non venisssem, & locutus fuisssem eis, peccatum non haberent;* meritò proinde propositionem hanc Ecclesia condemnavit: *Infidelitas pure negativa, in his quibus Christus non est predicatus, peccatum est.*

Infidelitas privativa, est carentia fidei in eo, qui vel fidem non vult audire, vel auditæ, sufficienterque propositæ, omittit assentum præstare, seu omittit credere, cum debet, tametsi nec positivæ differt, nec errorem fidei contrarium afferat. Et hæc